

續修陳州志

三

續脩陳州志卷之二

高維嶽校訂

知州加三級王清彥

脩陳州莫爾淮纂輯

知州加二級張喆

張錫叅閱

風俗志

夫風俗淆於地而漸于化者也地善故民淳化
隆則俗美陳居中土物受正氣在古三皇迭馭
以道化民無爲而治其風邈乎不可及已五帝
之世以及夏商道德一風俗同故列國風俗不

登史策周武建陳以元女太姬妻胡公太姬尊
貴好樂巫覡歌舞之事民俗化之降而春秋迫
於強楚爲其凌駕陳俗不免似之爾後公卿宣
淫民無則效多游佚淫蕩之行載於國風者可
考也漢尙寬簡而汲黯爲守又以清靜爲治史
稱其俗習淳尚質好農重民亦可想已逮唐及
宋賢守不一相與振勵而化導之風淳俗美他
邦鮮儷至明濡洽尤深故其俗高節義尚廉耻
男耕女織屏奢華務節儉肅衣冠慎威儀重喪

葬

郡人多結賻會以備喪葬之事賻奠弔送多近古禮

謹婚姻

婚者唯論男女門第

不論聘財多寡

亦庶乎太古三代之風矣

國初土曠人稀民俗淳朴未漓今則生齒日繁客戶日衆而舊俗漓矣以故刁風日熾爭奪漸興而奸盜益滋有政教之責者尚畱意于復古哉

附錄歲時瑣事

每歲元旦雞鳴盥櫛陳牲醴祭天次祭祖先男

女奉祀事設庭燎

燒榆柳木根謂之樞歲

紙炮聲光徹旦

罷市三日 七日祭賽火神以神之誕辰也上

元前後之夕架燈植火樹簫鼓謳歌達旦十六
日闔郡士民辦香詣太昊陵奠獻觀者因而爲
市亦有過橋者謂之走百病或蒸麵繭以祀蠶
姑又於正月上旬占日干坐子知歲豐歉

甲子年豐

丙子年旱戊子年蝗
庚子年荒壬子年潦

二月十五日花朝士多宴賞如李白桃李園遊

賞故事

三月二日戴蠶菜花俗云可免目疾鋪之衽席

下謂可辟蚤

清明日墓祭加土於隴謂之上墳折柳枝戴之
或插於門額携酒肴郊遊謂之踏青 十五日

洪山廟會遠近皆來祭之以神司六畜之命也

二十八日城隍廟會士民辦香楮奠獻而各色

貨玩雲集道傍交易一日

近來本廟建醮春三
月香火不絕

四月八日僧舍爲浴佛會鄉人帶皂莢葉

五月五日謂之端午爲黍角飲菖蒲雄黃酒貼

艾虎符戴艾並插於門小兒帶五色絲索謂之

百索且以雄黃塗兒耳及手足曰辟虫毒有取

蝦蟇置墨口中者陰乾磨塗療腫毒醫家亦以
午時合藥取其用之効也 十三日關聖廟會
祭賽盡禮天多雨俗謂之磨刀雨 二十五日
俗以爲分龍節雨則多大水

六月六日黎明汲水造酒醬麴豆豉以瓮蓄之
取其經月不壞云曝書衣及裘褐則虫不蛀以
麥麴炒拌鹽糖食之曰除腹痛及痢

七月七日夕乞巧 十五日掃墓祀祖先

八月中秋日設月餅瓜果酒肴香楮候月升祭

暢飲謂之翫

九月九日蒸麪糕相餽送登高飲酒婚姻之家亦以是日追節

十月朔日墓祭剪紙爲冥衣焚之謂送寒衣是月也農工已畢田家置農器於場備牲醴香楮祭之祭畢相餉勞佃人俗曰卧碓宰牲命樂賽土穀之神懽飲一日謂之牛王社 冬至官紳相拜賀畧如元旦儀俗煮赤小豆食之以湯灑地曰辟瘟

十二月八日食臘粥 二十三日備紙馬祀竈
神品用飴糖或有在二十四日者掃舍宇 二
十八九日多設餅糰雖貧亦具焉除日多嫁娶
書春帖易門神列桃符撒芝蔴杆於屋院地守
歲焚辟瘟丹

從來俗尚有相習而不解其義有相沿而不知
其非特摭拾一二俟維風者潛移默化焉要之
俗有可化者亦有可因者孔子爲政而慎蕢氏
出其妻沈猶氏不晨飲羊化俗也孔子之宋章

甫之魯縫掖因俗也俗不可猝化姑先因之久之則化矣孔子先簿正祭器而同魯人獵較是也苟其無害於義孔子亦從衆焉何必化純而脉冕哉然亦有可化不可化者尺蠖食黃則黃倉蒼則蒼草木地肥則肥地瘠則瘠是可化也雉鴝不過濟貉渡淮則死是不可化也不化者聽之可化者有化導之微權蓋積習既久頓革爲難吾正其本卽小同於俗而就中有轉移之妙若乃驕奢淫蕩之風破義踰檢之事上干

國憲下玷仁里則朝令而又更之可矣奚以矯爲
嫌哉嗟夫移風易俗其機在上而不在下返薄
還淳其道在士而不在民夫士者乃民之表也
豈其汶汶焉以同流合汙已哉脫凡近以遊高
明予日望之矣

土產志

語之有原大則饒原小則鮮陳多水潦而寡山林材木不足以備器用絲枲不足以給服御甚則鮮薨茗醯之供率取諸市豈力穡之智固不及此哉抑敦本務樸其俗然也志土產

蓍草

按蓍一千歲而三百莖其本已老故知吉凶蓍未大於本上吉次蒿次荆皆如是龜蓍皆月望浴之

孔弓

于箭

舊出此二件今
二家絕失傳

趙齊一十葉而三百葉其本曰于箭

舊草汝形以開流合汗已哉

天其時林林其然也志士

限輪囊蒼頡之妙率與前古

林林木不且以謂器用絲

器之有取大限輪限小限

土直志

陵墓

附古塚

太昊陵在州城北三里許古所謂太昊之墟隋以前
盡未知崇奉唐太宗貞觀四年始禁民芻牧周
世宗顯德元年勅官吏禁民樵采耕犁然未置
守之者宋太祖建隆元年始置守陵戶然未有
祭也乾德元年詔每三年一饗以仲春之月牲
用大牢祀官以本州長官有故則上佐行事官
造祭器然未有廟也四年詔立陵廟置守陵五
戶春秋祀以大牢御書祝板開寶四年增守陵

戶二定配享儀以時薦祭

以朱襄
吳英配

牲用羊豕九

年命脩祠廟真宗咸平元年詔葺陵廟景德元
年詔脩陵墓大中祥符元年詔加崇飾天禧元
年申禁樵采真宗崇奉之意尤拳拳也徽宗政
和二年定新儀春秋享太昊於陳州以金提勾
芒配而禮益備矣靖康而後祀事不脩廟貌漸
毀至元末而蕩然無遺矣明洪武三年訪求帝
王陵寢四年篤幸陳州製祝文致祭八年遣官
行視陵寢九年置守陵戶二人三統十三年知

州張志道以太昊陵從前有裡祀例宜舉行但
廟貌未立祭于何所廼奏請立寢殿廊廡戟門
厨庫宰牲等房天順六年知州萬宣同知李才
鼎復加修葺立後殿鐘鼓樓齋宿房具祭器又
作三清觀以居焚脩道士吏目汪澄改立前門
成化六年知州戴昕起敝易堅粧嚴帝像綵繪
殿宇增高鼓鐘二樓金碧輝映偉然可觀十二
年監生鄭諤奏准重脩至嘉靖二十四年監察
御史吳悌按臨謁陵見廟貌傾頽陵塚坦夷與

叅政金清僉事翟鎬李維藩命通判范汝敬董役而大脩之落成祭告三十八年監察御史孫昭命知州伍思召脩葺萬曆四年督學副史衷貞吉疏奏畱輸帑三千金又大修之其規制則南臨蔡河之濱曰靈星門左坊曰繼天立極右坊曰開物成務其次爲券門三扁曰先天門又次舊爲無梁殿歲久材朽不堪重建亦改爲磚券門三闔其內則戟門戟門則鐘鼓樓樓北則正殿五間雕牆黃瓦彩繪金碧稱爲帝居後殿